

**Самарканд вилояти ҳокимлиги ҳуқуқни муҳофаза қилиш органлари  
фаолияти, ҳарбий сафарбарлик ва фавқулодда вазиятлар  
масалалари гуруҳи тўғрисида  
НИЗОМ**

**I. Умумий қоидалар**

1. Ушбу Низом “Маҳаллий давлат ҳокимияти тўғрисида”ги Ўзбекистон Республикаси Қонунига ва Ўзбекистон Республикаси Президентининг 2016 йил 22 декабрдаги “Маҳаллий ижроия ҳокимияти органлари фаолиятини янада такомиллаштириш тўғрисида”ги ПҚ-2691-сон қарорига мувофиқ Самарканд вилояти ҳокимлиги ҳуқуқни муҳофаза қилиш органлари фаолияти, ҳарбий сафарбарлик ва фавқулодда вазиятлар масалалари гуруҳининг (кейинги ўринларда “Гуруҳ” деб юритилади) вазифалари, функциялари, ҳуқуқлари, масъулиятини ҳамда фаолиятини ташкил этиш тартибини белгилайди.

2. Гуруҳ ўз фаолиятида Ўзбекистон Республикаси Конституциясига, “Маҳаллий давлат ҳокимияти тўғрисида”ги Ўзбекистон Республикаси Қонунига ва бошқа қонунларга, Ўзбекистон Республикаси Олий Мажлиси налталарининг қарорларига, Ўзбекистон Республикаси Президентининг фармон, қарор ва фармойишларига, Вазирлар Маҳкамасининг қарор ва фармойишларига, халқ депутатлари вилоят Кенгашининг ва вилоят ҳокимияти ҳужжатларига, шунингдек ушбу Низомга амал қилади.

3. Гуруҳ ўз фаолиятини вилоят ҳокими раҳбарлигида амалга оширади.

4. Гуруҳ ўзига юкланган вазифалар ва функцияларни бажаришда вилоят ҳокимининг кўрсатмасаига асосан Ўзбекистон Республикаси Олий Мажлисининг палаталари, Президент Девонининг тегишли хизматлари, Вазирлар Маҳкамаси, шаҳар ва туман ҳокимликлари, ҳудудий бошқарув органлари билан ўзаро ҳамкорлик қилади.

**II. Гуруҳнинг вазифалари ва функциялари**

5. Қуйидагилар гуруҳнинг вазифалари ҳисобланади:

қонун ҳужжатларига мувофиқ ҳуқуқни муҳофаза қилиш органлари фаолияти, ҳарбий сафарбарлик ва фавқулодда вазиятлар масалалари бўйича ҳокимликка юкланган вазифаларнинг амалга оширилишини таъминлаш;

вилоят ҳокимининг Ўзбекистон Республикаси Конституцияси, “Маҳаллий давлат ҳокимияти тўғрисида”ги Ўзбекистон Республикаси Қонуни ва бошқа қонунлари, Ўзбекистон Республикаси Президентининг фармон, қарор ва

фармойишлари, Вазирлар Маҳкамасининг қарор ва фармойишларида белгиланган ваколатлари амалга оширилишини давлат органлари ва бошқа ташкилотлар билан биргаликда таъминлаш;

жамоат тартибига риоя этишни, фуқаролар хавфсизлигини, уларнинг ҳуқуқлари ва эркинликлари ҳамда соғлигини муҳофаза қилишни, ҳуқуқбузарликларнинг олдини олишни таъминлаш, паспорт-виза режимига риоя қилиш, ҳуқуқбузарликларни содир этган шахсларни ижтимоий реабилитация қилиш масалаларида ҳуқуқни муҳофаза қилиш органлари фаолиятини қонунчиликда белгиланган ваколатлар доирасида мувофиқлаштириш;

ҳуқуқбузарликлар ва жиноятлар содир этган шахслар билан ишлаш масалаларида ҳуқуқни муҳофаза қилиш ва давлатнинг бошқа органлари ҳамда подавлат ташкилотлар билан ҳамкорлик қилишни таъминлаш;

ҳуқуқбузарликларнинг олдини олиш бўйича давлат дастурлари тайёрланиши ва амалга оширилишини таъминлаш, ҳудудий дастурлар ишлаб чиқиши, тасдиқланиши ва амалга оширилишини таъминлаш;

ҳуқуқбузарликлар ва жиноятчиликнинг ҳолагини таҳлил қилиш, жиноятчиликка қарши курашиш ва жиноятчиликни қисқартириш шаклларида усуллари, шунингдек чора-тадбирларини ишлаб чиқиш ишларини ташкил этиш;

жиноятчилик, терроризм ва диний экстремизмга қарши курашишга жамоатчиликни кенг жалб этиш ишларини ташкил қилиш йўли билан қопун устуворлигини таъминлаш чора-тадбирларини амалга ошириш;

давлат стратегик ва сафарбарлик захираларини шакллантиришни, шу жумладаи, уларни тўплаш, сақлаш ва янгилаб боришни, шунингдек давлат стратегик ва сафарбарлик захираларидан белгиланган тартибда тезкорлик билан фойдаланишга доимий тайёр бўлишни таъминлаш ишларини мувофиқлаштириш;

вилоят ҳокимининг тегишли ўринбосарлари билан биргаликда Ўзбекистон Республикаси Давлат чегараларини делимитация, демаркация ва редемаркация қилиш, чегаралар яқинидаги муаммоларни ҳал этиш, полегал миграцияга қарши курашиш, республика ҳудудига товарлар ва контрафакт маҳсулотларни ноқонуний олиб кириш масалалари билан боғлиқ тадбирларини белгиланган тартибда амалга оширади;

мудофаа қудратини таъминлаш, ҳарбий хизматга мажбур шахсларни ҳисобга олиш чора-тадбирларини амалга ошириш, бронга қўйиш масалалари бўйича ҳудудий бошқарув органларининг фаолиятини мувофиқлаштириш;

фавқулодда вазиятларнинг олдини олиш ва уларнинг оқибатларини тугатиш, табиий офатлар, эпидемиялар ва бошқа экстремал ҳолағларда тегишли

органларнинг ишларини ташкил этиш ва мувофиқлаштириш;

гуруҳда махфийлик режимини ва гуруҳ фаолиятига дахлдор бўлган давлат сирлари ҳисобланадиган ҳужжатларни ҳимоя қилишни таъминлаш;

вилоят ҳокими томонидан ўтказиладиган ҳуқуқни муҳофаза қилиш органлари фаолияти, ҳарбий сафарбарлик ва фавқулодда вазиятлар масалалари бўйича йиғилишларнинг кун тартиби лойиҳаларини шакллантириш, ҳокимга тасдиқлатиш ва тегишли ҳужжатларнинг тайёрланишини таъминлаш;

вилоят ҳокими томонидан ўтказиладиган ҳуқуқни муҳофаза қилиш органлари фаолияти, ҳарбий сафарбарлик ва фавқулодда вазиятлар масалалари бўйича йиғилишларни ташкил қилиш, берилган топшириқларни умумлаштириш, уларнинг бажарилишини назорат қилиш, уларнинг бажарилиши ва натижалари тўғрисида ҳокимни белгиланган муддатларда хабардор қилиш.

Ушбу Низомга ва ҳокимнинг қарорларига мувофиқ бошқа ваколатларни амалга оширади.

6. Гуруҳ ўзига юкланган вазифаларни бажариш учун куйидаги функцияларни амалга оширади:

Ўзбекистон Республикаси Конституцияси, “Маҳаллий давлат ҳокимияти тўғрисида”ги Ўзбекистон Республикаси Қонуни ва бошқа қонунлари, Ўзбекистон Республикаси Олий Мажлиси палаталарининг қарорлари, Президентнинг ҳужжатлари ва топшириқлари, Вазирлар Маҳкамасининг қарор ва топшириқлари билан ҳокимлик зиммасига юкланган вазифаларни бажариш юзасидан аниқ чора-тадбирларни ишлаб чиқади ва амалга оширади;

Ўзбекистон Республикаси қонунлари, Олий Мажлис палаталари қарорлари, Президентнинг фармон, қарор ва фармойишлари, Вазирлар Маҳкамасининг қарор ва фармойишлари, вилоят ҳокимининг қарор ва фармойишлари бажарилиши юзасидан ташкилий чора-тадбирларни ишлаб чиқади ва уларнинг ижроси бўйича тизимли назоратни ташкил этади;

гуруҳ зиммасига юклатилган масалаларга дойр халқ депутатлари вилоят Кенгаши сессиялари, фаоллари йиғилишлари, ҳоким ва унинг ўринбосарлари иштирокида ўтказиладиган йиғилишлар ва бошқа тадбирлар ўтказилишини таъминлайди, қабул қилинган қарорлар амалга оширилишини назорат қилади;

ҳокимликнинг тегишли комиссиялари ва бошқа ишчи органлари ишларини ташкил этади, улар томонидан қабул қилинган қарорларнинг бажарилишини мувофиқлаштиради ва назорат қилади;

вилоят ҳокимининг ҳудудни ижтимоий-иқтисодий ривожлантиришнинг муҳим ва долзарб масалалари бўйича ҳисоботи халқ депутатлари вилоят Кенгаши томонидан эшитилишини ташкиллаштиришда соҳага тааллуқли материалларни тайёрлайди;

вилоят ҳокимлигининг иш режасига ҳуқуқни муҳофаза қилиш органлари фаолияти, ҳарбий сафарбарлик ва фавқулодда вазиятлар масалалари гуруҳи йўналиши бўйича масалаларга доир таклифларни киритади;

жисмоний ва юридик шахсларнинг мурожаатларини “Жисмоний ва юридик шахсларнинг мурожаатлари тўғрисида”ги Ўзбекистон Республикаси Қонунига мувофиқ кўриб чиқади;

халқ депутатлари вилоят Кенгаши ва вилоят ҳокимлигининг фаолияти тўғрисида жамоатчиликни белгиланган тартибда хабардор қилишни ташкил этади.

Ҳуқуқни муҳофаза қилиш органлари фаолияти, ҳарбий сафарбарлик ва фавқулодда вазиятлар масалалари гуруҳи қонун ҳужжатларига мувофиқ бошқа функцияларни ҳам бажаради.

### **III. Гуруҳнинг ҳуқуқлари ва жавобгарлиги**

7. Гуруҳ ўзига юкланган вазифалар ва функцияларни бажариш учун қуйидаги ҳуқуқларга эга:

ҳокимликда кўриб чиқиладиган масалаларни таҳлил қилиш ва ишлаб чиқиш учун зарур бўлган материаллар ва маълумотларни ҳудудий бошқарув органларидан, шаҳарлар ва туманлар ҳокимликларидан, бошқа ташкилотлардан белгиланган тартибда сўраш ва олиш;

зарурат бўлганда, ҳокимликда кўриб чиқиладиган масалаларни ишлаб чиқиш, ахборот ва таҳлилий материалларни, шунингдек халқ депутатлари вилоят Кенгаши ва вилоят ҳокимининг ҳужжатлари лойиҳаларини тайёрлаш учун ҳудудий бошқарув органлари, шаҳар ва туман ҳокимликлари раҳбарлари ва ходимларини таклиф этиш, ушбу мақсадлар учун вақтинчалик эксперт гуруҳлари ташкил этиш;

ҳудудий бошқарув органлари, шаҳар ва туман ҳокимликлари, бошқа ташкилотлардан улар томонидан киритилган халқ депутатлари вилоят Кенгаши ва вилоят ҳокимининг гуруҳ фаолиятига дахлдор ҳужжатлари ва қарорлари лойиҳаларини пухта қайта ишлашни белгиланган тартибда талаб қилиш;

ҳудудий бошқарув органлари, шаҳар ва туман ҳокимликлари, бошқа ташкилотлар раҳбарларига тезкорлик билан ҳал этишни талаб қиладиган ҳамда бошқарув аниқлигига юкланган вазифалар ва функцияларни бажариш билан боғлиқ бўлган масалалар бўйича белгиланган тартибда топшириқлар бериш;

ҳудудий бошқарув органлари, шаҳар ва туман ҳокимликлари, бошқа ташкилотларнинг норматив-ҳуқуқий ва бошқа ҳужжатларининг, халқ депутатлари вилоят Кенгаши ҳужжатлари, вилоят ҳокимининг ҳужжатлари ва топшириқлари, унинг ўринбосарлари топшириқлари бажарилиш юзасидан итларини белгиланган тартибда ўрганиш.

8. Гуруҳ ўзига юкланган вазифалар ҳамда функцияларнинг сифатли ва ўз вақтида бажарилиши;

Ўзбекистон Республикаси Олий Мажлиси палаталари, Ўзбекистон Республикаси Президенти Девони ҳамда Ўзбекистон Республикаси Вазирлар Маҳкамасининг гуруҳ фаолитига оид тегишли таклиф, ҳужжат ва топшириқларига мувофиқ тегишли ҳужжатлар лойиҳалари ҳар томонлама ва ўз вақтида тайёрланиши;

ҳудудий бошқарув органлари томонидан вилоят ҳокимлигига киритиладиган тегишли таклифлар, ҳужжатлар сифатли ва ўз вақтида ишлаб чиқирилишининг ташкил этилиши, уларнинг иқтисодий, молиявий ва ҳуқуқий экспертизадан ўтказилиши, шунингдек асосланган хулосалар тайёрланиши;

Ўзбекистон Республикаси Вазирлар Маҳкамасининг 1999 йил 12 январдаги “Ижро интизомини мустаҳкамлаш чора-тадбирлари тўғрисида”ги 12-сон қарорига мувофиқ ижро интизومي таъминланиши;

Гуруҳ фаолиятига дахлдор бўлган Ўзбекистон Республикаси қонунлари, Ўзбекистон Республикаси Олий Мажлиси палаталарининг қарорлари, Ўзбекистон Республикаси Президентиининг фармон, қарор, фармойиш ва топшириқлари, Вазирлар Маҳкамасининг қарор, фармойиш ва топшириқлари, шунингдек вилоят ҳокими ва унинг ўринбосарлари топшириқларининг давлат органлари ва бошқа ташкилотлар томонидан бажарилиши ҳолатининг ўз вақтида ўрганилиши учун жавоб беради.

#### **IV. Гуруҳнинг тузилмаси**

9. Гуруҳ тузилмаси гуруҳ раҳбари, 2 нафар бош ва 1 нафар етакчи мутахассислардан иборат бўлади.

Гуруҳнинг тузилмаси ва ходимларининг чекланган сони Ўзбекистон Республикаси Президентиининг 2016 йил 22 декабрдаги “Маҳаллий ижроия ҳокимияти органлари фаолиятини янада такомиллаштириш тўғрисида”ги ПҚ-2691-сонли қарори билан белгиланади.

10. Ҳуқуқни муҳофаза қилиш органлари фаолияти, ҳарбий сафарбарлик ва фавқулодда вазиятлар масалалари гуруҳининг ишлари вилоят ҳокими томонидан тасдиқланадиган Бошқарув аппарата ва ходимларнинг функционал вазифалари тўғрисидаги Низомга мувофиқ ташкил этилади.

11. Ҳуқуқни муҳофаза қилиш органлари фаолияти, ҳарбий сафарбарлик ва фавқулодда вазиятлар масалалари гуруҳи ўз фаолиятида бевосита вилоят ҳокимига бўйсунди.

Ҳуқуқни муҳофаза қилиш органлари фаолияти, ҳарбий сафарбарлик ва фавқулодда вазиятлар масалалари гуруҳи раҳбари ва ходимлари ўрнатилган тартибда лавозимга тайинланади ва лавозимдан озод этилади.

## **V. Гуруҳ фаолиятини ташкил этиш**

12. Гуруҳнинг ишлари Ўзбекистон Республикаси Конституцияси, “Маҳаллий давлат ҳокимияти тўғрисида”ги Ўзбекистон Республикаси Қонуни ва бошқа қонунларига, Ўзбекистон Республикаси Олий Мажлиси палаталарининг қарорларига, Ўзбекистон Республикаси Президентининг ҳужжатлари ва тоғнириқларига, Вазирлар Маҳкамасининг қарор, фармойишларига, Ўзбекистон Республикасининг Бош вазири ва унинг ўринбосарлари топшириқларига, вилоят ҳокимининг топшириқларига мувофиқ, шуниингдек ҳокимлик, гуруҳ раҳбари ва мутахассисларининг иш режалари асосида ташкил этилади.


### **13. Гуруҳ раҳбари:**

Гуруҳга бевосита раҳбарликни амалга оширади, мутахассислар ишларини ташкил қилади ҳамда мазкур Низомга мувофиқ гуруҳга юкланган вазифалар ва функцияларни бажарилиши учун тўлиқ жавоб беради.

Гуруҳ мутахассислари ўртасида вазифаларни тақсимлайди ва уларнинг ишларини мувофиқлаштиради, ижро интизомини таъминлайди.

14. Гуруҳ раҳбари вақтинчалик бўлмаган тақдирда униинг вазифасини ўзининг кўрсатмаси ва вилоят ҳокими топширигига кўра бош мутахассислардап бири бажаради. Гуруҳнинг бош ва етакчи мутахассислари ўз фаолиятиини белгиланган тартибда тасдиқланадиган функционал вазифаларга мувофиқ амалга оширади.

**Вилоят ҳокимлиги ҳуқуқни муҳофаза қилиш  
органлари фаолияти, ҳарбий сафарбарлик ва  
фавқулодда вазиятлар гуруҳи раҳбари**

 **А.Шерматов**

**Вилоят ҳокимлиги Ташкилий-назорат  
гуруҳи бош мутахассиси**

 **А.Рахматуллаев**